

AUGLÝSING

35

15. marz

um viðauka við reglugerð nr. 38 16. apríl 1935, um sölu áfengis til lækninga.

Ef læknir ávísar vinnanda (etanól) í lyfjablöndu til útvortis notkunar, er lyfsala skylt að láta úti í hans stað Spiritus bergamiae af samsvarandi styrkleika, nema læknir hafi tekið sérstaklega fram á lyfseðlinum, að nota skuli ómengaðan vinnanda í lyfjablönduna.

Þegar Spiritus bergamiae er notaður í slíka lyfjablöndu, skal verðleggja hana í samræmi við verð á Spiritus bergamiae.

Spiritus bergamiae má einungis láta úti í slíkum blöndum og eingöngu eftir lyfseðli.

Spiritus bergamiae inniheldur: Aetheroleum bergamiae g 5, Spiritus alcoholi-satus g 995.

Heilbrigðismálaráðuneytið, 15. marz 1951.

Steingrímur Steinþórsson.

Gústav A. Jónasson.

GJALDSKRÁ

36

16. marz

fyrir Rafveitu Akureyrar.

I. RAFORKA

Rafveita Akureyrar selur raforku á þann hátt og við því verði, sem hér segir:

A. Lýsing.

Um kwst.mæli á kr. 1.60 hverja kwst.

B. Almenn heimilisnotkun.

1. Um tvo kwst.mæla, annan til ljósa, hinn til suðu og hitunar. Á ljósamælinn reiknast ljósagjald kr. 1.60 á kwst., en á hinn mælinn 20 aurar á kwst. Suðu- og hitunartæki skulu vera fasttengd. Þó má tengja eldavel um sérstakan 25 amp. eldavelatengil og hafa einn tengil að auki í eldhúsinu fyrir suðutæki, strok-járn o. þ. h.
2. Um einn kwst.mæli fyrir alla notkun á heimilinu á 20 aura hverja kwst. Auk þess greiðist fastagjald 30 aurar á mánuði af hverjum fermetra gólfflatar íbúðar-herbergja. Enn fremur mælaleiga.

Þegar nægjanlegt rafmagn er fyrir hendi, er bæjarstjórn heimilt að lækka um tíma gjöld samkvæmt þessum lið, án staðfestingar ráðuneytisins, fyrir þá notkun, sem er umfram það, sem gert er ráð fyrir að fari til ljósa og suðu.

Við útreikning á gólfleti skal telja öll herbergi, sem eru ætluð til íbúðar, og eldhús, en ekki ganga, baðherbergi eða geymslur. Tekið skal tillit til, ef um súðarherbergi eða þvilíkt er að ræða.

C. Vélnotkun.

1. Um kwst.mæli á 70 aura hverja kwst., þó skal minnsta árgjald vera kr. 140.00 á hvert kw. í málraun vélanna.

36
16. marz

2. Um mæla á kr. 480.00 á ári fyrir hvert kw. mesta notaðs afls á árinu og auk þess 6 aura á notaða kwst.
3. Um tvígjaldsmæli, ef um meira en 10 kw. afl er að ræða og ársnotkunartíminn er meiri en 500 klst., á kr. 1.50 hverja kwst., af þeirri notkun, er fer fram á tímnum frá kl. 10.45 til 12, en á 36 aura á öðrum tímum. Er ársnotkun utan tímans 10.45 til 12 er meiri en 5000 kwst. um einn mæli, má veita afslátt á þeirri notkun þannig:

Fyrir fyrstu	5 000 kwst.	utan tímans	10.45 til 12	afslátt	0 %
— næstu	10 000	—	—	—	10 —
—	30 000	—	—	—	20 —
—	60 000	—	—	—	30 —
—	100 000	—	—	—	40 —
og notkun þar yfir		—	—	—	50 —

D. Hitun.

1. Um kwst.mæli á 15 aura hverja kwst., enda megi þá rjúfa strauminn með klukku-rofa í 3 klst. á dag á tímum mesta álags rafveitunnar um hádegið og síðdegis, en þó eigi lengur en 1½ klst. í senn.
 2. Um tvígjaldsmæli á 9 aura hverja kwst. frá kl. 23 til kl. 8, en á 18 aura frá kl. 8 til 23. Strauminn megi þó rjúfa á sömu tímum og við D-1.
 3. Um kwst.mæli á 7.5 aura hverja kwst., ef straumurinn er rofinn með klukku-rofa frá kl. 8 til 23.00.
 4. Til hitunar í iðnaði, við handiðnað eða atvinnurekstur:
 - a. Á 12 aura hverja kwst., enda sé þá minnsta notkun 10 000 kwst. á ári.
 - b. Um tvígjaldsmæli á 10 aura hverja kwst. frá kl. 23 til kl. 8 og 24 aura frá kl. 8 til kl. 23.
 - c. Um hemil eða hemil-mæli á kr. 550.00 árskw. og 24 aura á kwst. fyrir alla umframnotkun. Rafveitustjóri ákveður stillingu hemils.
- Við sölu samkvæmt gjaldskrárlíðum D-4 a, b og c, má bæta því skilyrði, að afslátt megi veita, sem því nemi, að raforkunotkun verði eigi dýrari en sambærileg notkun með kolum. Skal þá reikna út afsláttinn um hver áramót eftir á.

Önnur skilyrði fyrir raforkusölu til hitunar:

- a. Að vélaafl, götulinur og spennar þoli álagið að dómi rafveitustjóra.
- b. Að notandinn kosti tengingu klukkurofa fyrir hitalögnina og greiði leigu fyrir hann samkvæmt reglum, er gilda um leigu mæla.
- c. Að hitalagnir, þar með talin öll tæki, séu gerðar samkvæmt fyrirmælum rafveitunnar, ofnar fasttengdir og hitastillar notaðir.

E. Önnur raforkunotkun.

1. Rafveitustjórn getur með sérstökum samningi selt raforku þeim notendum, sem hafa eigin vélar til orkuvinnslu, með því skilyrði, að stöðva megi orkusöluna til þeirra hvenær sem þarf, að dómi rafveitustjóra.
2. Þegar sérstaklega stendur á, má rafveitustjórn, í samráði við rafveitustjóra, selja raforku eftir sérstökum samningi í hvert skipti.
3. Gjald fyrir götu- og hafnarlýsingu ákveður bæjarstjórn eftir tillögu rafveitustjórnar.

II. MÆLALEIGA

36

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækinu samkvæmt eftirfarandi skrá:

16. marz

	Upphæð að 5 amp.	Ársleiga kr.		yfir 75 amp.
		5-30 amp.	35-75 amp.	
Einfasa mælar	12.00	24.00	„	„
Einfasa frádráttarmælar ...	42.00	„	„	„
Þrífasa mælar	42.00	42.00	63.00	84.00
Tvígjaldsmælar	„	63.00	84.00	105.00
Lausar skiptiklukkur	24.00	„	„	„

Af öðrum mælitækjum en þeim, sem nefnd eru í skránni, skal leigan vera að minnsta kosti 15% af verði mælitækjanna. Leiga skal innheimt um leið og gjald fyrir raforku.

III. OPNUNARGJALD

1. Hafi gjald fyrir raforku eigi verið greitt, svo að til lokunar hafi komið fyrir veitu, skal taka gjald fyrir enduroppnun veitunnar 20 krónur.
2. Ef fundin eru óleyfileg vör við skoðun, eða of stór, skal loka veitunni tafarlaust, og verður hún ekki enduroppnuð fyrr en notandinn hefur greitt 20 króna gjald á skrifstofu rafveitunnar.

IV. BRÁÐABIRGÐAÁKVÆÐI

Gjöld samkvæmt D-lið gjaldskrárinnar breytast með kolaverði á Akureyri, þannig að gjaldskrárverðið teljist jafngilda 360 kr. verði á kolatonni og hækki og lækki í sama hlutfalli og útsöluverð kola í bænum á hverjum tíma. Þó skal verð á kwst. samkvæmt þessum lið ávallt standa á hálfum eyri eða heilum. Raforkuverð og önnur gjöld samkv. öðrum liðum gjaldskrárinnar en D-lið hækki um $\frac{3}{4}$ % fyrir hvert stig, sem kauplagsvisitala er umfram 100.

V. HEIMILD TIL BREYTINGA

Bæjarstjórn er heimilt að hækka eða lækka gjöld, sem ákveðin eru í gjaldskrá þessari, um allt að 10%, án sérstakrar staðfestingar ráðuneytisins, enda auglýsi bæjarstjórnin breytinguna í Lögbirtingablaðinu, áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að ganga í gildi þegar í stað, og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá Rafveitu Akureyrar, nr. 189 29. nóvember 1940, ásamt breytingum á þeirri gjaldskrá, nr. 14 31. janúar 1947 og nr. 246 25. nóvember 1950.

Atvinnumálaráðuneytið, 16. marz 1951.

Hermann Jónasson.

Þorv. K. Þorsteinsson.